

K 4598  
2

  
ქართული  
ნაციონალური  
ბიბლიოთეკა

5216  
5932

საქართველოს  
თავისებრი



# მზეშენი

საქართველო  
1926

899, 462 (1-1)



ქართული  
ნაციონალური  
ბიბლიოთეკა

ნიხრე თარგობილი

# მ ზ ე ზ ი

865/4  
1/9

0625 807  
6025 807

საქართველოს  
საბჭოთა კავშირის  
საქართველოს  
საბჭოთა კავშირის

ს. ს. ს. რ. სახელმწიფო გამომცემლობა.

თბილისი—1926

262 148 x 148. 402.

სკეპ-2000  
შეგორვებულა

ტფილისი - ს. ს. მ. უ. ს. პოლიგრ. 1-ლი სტამბა, პლენ. პრ. № 91.  
23/VI-26. მთავარლიტი № 941. შეკვ. № 8011/1310. დაიბ. 2000.

## მზეში

მე შენზე ვფიქრობ დროგამოშვებით,  
როცა უქოლგოთ დავდივარ მზეში.  
ჩვენ სასტიკ სურვილს არ მოვეშვებით  
და მიაღერსებ, როგორც რამზესი.

შენ ასცდი მთვარის ოქროს უზანგებს,  
თვალებს იმონებს შუადღის ნასლი.  
მზე მოაქვთ სინზე ფერწასულ ზანგებს,  
ენებიან განცდებს არ შემოვიხსნი.

დაგხვდები მუდამ, ვით ჯიოკონდა,  
ცისფერ კოცნებით ავივსებ უბეს,  
ჩვენ ერთხელ თეთრი ოცნება გვქონდა  
და სიმხურვალით ვიწვდიდით ღრუბელს.

ფოთლები ნაზად უკრავენ თარეზს.  
შენი ხელები მოვლენ ირმებათ,  
სიცოცხლეს ვერვინ ვერ დაამთავრებს,  
უთუოდ ყველა გადაირევა.

სიზმარი მწველი იქნება თალხათ,  
უხდება სახეს ღიმილი მკაცრი,  
დარჩება უთქმელ სიტყვების ტალღა  
და ფიქრი შენზე ჩამოსაკაწრი.

1923.

## იმის ხელეზს

მე იმის ხელეზს შეეადარებ მინდვრის ზამბახეზს,  
მოხრილ წამწამეზს ულიმიან ანემონეზი.

ვეტრფი ვნებეზის შეთქმულეზას და ამბოხეზას,  
თვით ფერმკრთალ სიკვდილს ათრთოლეზით დავემონეზი

შუადლის აღზე ცა ეხვევა გირლიანდეზათ,  
ცისფერზე ვფიქრობ, ცრემლიანი, მე, განუწყვეტილვ,  
მთვარის ქორწილი მზის ლოდინში დავვიანდეზა,  
სანთლისფერ დილას გააქანეზს საღამოს ეტლი.

ატყდეზა ქარი საოცარი იღუმალეზით,  
ტყეს მწვანე წარბეზს ჩამოამტვრევს, ტყეს გაახელეზს.  
მე გაბრაზებულ მზის არდილეზს დავემალეზი  
და ფოთლეზ-შუა დავინახავ თოვლივით ხელეზს.

1922.

## ლექსის ფალავანი

შენი წამწამები კიდევ მაკოცებენ,  
დარდებს გააცილებს ვნების ქარავანი,  
დამფრთხალ სონეტებით ფარდა იკეცება  
და ხარ პოეტებში ლექსის ფალავანი.

ძვირფას ქიშმირივით ყოფნა კელავ იშლება,  
ტუჩებს დამახვედრებ მუდამ მხიარული.  
დამთვრალ ქუთუთოებს ოქროს კლავიშებათ  
ცხელათ უალერსებს თვალი დახურული.

აღარ მასვენებენ ძველი რვეულები,  
თვალებს გამიშტერებს ჩუმი სიქალწულე.  
მაგრამ შენ მაკოცებ არაჩვეულებრივ,  
როგორც მტევნებიდან კაბა საქორწილო.

1923.



## მიმოჯა სახრჩოპელით .

მიწისფერ თვალებს გავახელ ნელა,  
ფერმკრთალ ტუჩებით დავკოცნი ყვავილს,  
უცნაურ ხმებით მეწვევა ლხენა  
და მომინდება ფერები ყავის.

ჰო, მე ის ვნახე. ის იყო, მართლა,  
თითქოს ჯეირნებს ზვერაავდა მინდვრათ.  
ჰო... იმან ხელი არ ჩამომართვა  
და მოლოდინი ისევ დაიმტვრა.

ყველანი ჩვენსკენ დინჯად მოდიან,  
მე მას აუწერ მკერდისფერ ატამს,  
(მომავონდება ლედი გოდივა)  
ის მზითვად იმედს არ გამომატანს.

და მწუხარება ამძინებს ხელებს,  
მოწყენით მომცემს ხელში მიმოზას  
და თან უსიტყვოდ დაასახელებს,  
რომ გული ჩემთვის არ შეიმოსა.

ტუჩებს მოუნდათ პასუხი ვრცელი,  
მაგრამ მიმოზა მიმზერდა გველათ  
და ძველი წიგნის ორი ფურცელი  
მას მოვუმზადე მე სახრჩოპელათ.

1923.



## შენს მდიდარ ღიმილს .

ირიბ წარბებით მოხაზულან ლურჯი თვალებე.  
გრძნეულ ზმანებას მეგობრობენ თაფლისფერ ღამით.  
ცისფერ ლარნაკში ენთებიან მზის მამხალეები.—  
გრძნობებს ათრობენ უპასუხო ტრუობის ფელგამით.  
ნუ ატირდები ვერცხლის ცრემლით! ოხ, უნდა ჩითვე  
ჩუმი ნალველი მოვაშორო ფერმკრთალ სიმძიმის.  
ნუ შეატოკებ ოქროს წამწამს! გთხოვ გადართმე,  
მსურს ახარფეშით დავეწაფო შენს მდიდარ ღიმილს.  
ნუ გაჯავრდები, თორემ შავად დავიჩითები,  
ჩემი ოცნება, ჩემი გული ისე ჩუმი—  
ვით არაბეთის უარშიო გლოვის მითები,  
ვით სარკოფაგში დაღვენთილი სანთლის მუშია.  
არა მპატრონობს არც ფერია, არც ტარტაროზი,  
არ გამაჩნია თავსაფარი და ბინა არსად,  
ახ! ნეტავ, მქონდეს ნატვრის თვალი ან ავგაროზი,  
რომ მდიდარ ღიმილს გავყოლოდი მე შინაარსად.

1921.

## გრიზაშვილს

შენს წიგნზე ასხმულს გადაკინძულს ლექსების ჯაგანს,  
ტყვეთა ჰყავს გული, რომ გრძობები გაანამყენოს,  
არ გიყვარს ცრემლი და არც ეძებ სიცოცხლის საგანს,  
გინდა ღიმილმა მზე დაჰფაროს, გადააყენოს.  
სინდიყის სარკეთ აელვარებ სიტყვას ჭკვიანურს,  
უმზითვო ფიქრებს სხვას უგზავნი მუდამ გირაოთ,  
გაცვეთილ ჰანგზე არ აღიმებ თარს და ჭიანურს  
გინდა რომ ლექსი დაედევნოს ღრუბლებს ირაოთ.  
ზეცის კენწერო შენ დაჰლუნე, შენ დაიწოდე,  
გეარშიყება ნარიყალა, კობტა, საქები,  
რას მოასწავებს შენი ყოფნა, ნეტავ ვიცოდე,  
რომ მტრების შურით არა სტკნები, არ ილაქები!..  
შენ ყველა გეტრფის და გულშივე მალავენ თითქოს,  
არა ხარ ფლიდი, მატყუარა და არც თილისმა,  
თვით მტკვარსაც უნდა შენის ეშხით ცა შეიხვითქოს,  
და შეგიყვაროს დაღონებულ ძველმა ტფილისმა.

1922.

## შენი წიგნი

ალერსით უხვი ხავერდის პირი,  
თვალი ცისფერი, სახე ნარცისის,  
დაუთვლელ ფიქრის სიტყვები ძვირი,  
ვეტრფი მკრთალ ხელებს, მაგრამ არ იცის.

შორსა ვარ შენზე, მეხვევი დარდათ,  
ცრემლით ვაშენებ სევდის აკლდამებს,  
ვიგონებ ტფილისს, იხსნება ფარდა,  
ველარ გავუძლებ, რავექნა აქ ღამეს.

ვიგონებ ელლეს „პატარას“ თარგმანს,  
ლიმილს რომ ვსვამდით მარწყვის თასებით,  
წარსულის ლანდი დღევანდელს არ ჰგავს  
და ცა ეღვარებს ვერცხლის თასმებით.

მარტო ვარ, მარტო, მტრედისფერ წიგნით  
სიყვარულს ვატან ლექსებს პრობლემათ,  
ოცნების ბორბალს შევეყევი წიგნით  
მე და ეს წიგნი დავრჩით ობლებათ.

მირზაანი. 1922

ფერმკრთალი სახე. ლურჯი თვალები,  
მე უშენობას ვერ გადავიტან,  
ფიქრს აწვალებენ ამორძალები,  
მსურს ყველაფერი გითხრა თავიდან:

არ მიყვარს თეთრი იასამანი,  
ის გაგიჟებულ თვალებს ამირევს,  
ჩემი ფეტიში—ლურჯი დამანი  
შენს მოლოდინში გულს გადამილევს.

ჩვენ თუ ორთავეს გრძნობა დაგვნებდა,  
დავწურავთ განცდებს, ვით მწიფე მტევანს—  
ვნება ავისხათ ტანზე ჯაგნებათ  
და წინ გაუსწროთ ადამს და ევას.

ზღვას ჩავეხლართოთ დაშლილ ზოლებათ  
დღე ღამე ვკრიფოთ და ღამე დღისით,  
გრძნობა ალერსით გაიზომება  
და ვერ გახდება სხვა ჩვენი ღირსი.

თვალებში დარდი ჩალოგინდება  
ამაკანკალებს დრო დასაშური,  
და ორსევდიან ანდროგინებათ  
ფიქრი დასკვნება—მზე-ბუდეშური.

მაგრამ მე ცრემლი არ დამასველებს,  
უხმო ლოდინით მოვირკალები  
დაიბნა ხედვა, აღარ მასვენებს  
ფერმკრთალი სახე, ლურჯი თვალები.

1922.

## არავინ მოდის

V  
გადმოიფინა ატმები ქარვის,  
თეთრი თვალები გაალო მთვარემ.  
სუნთქვა მწუხარე მომესმა ქარის  
და ყოფნა წუთში გამოვიბარე.

ფიქრებმა სწრაჟად იცვალეს ფერი,  
თვალი მივანდე შორეულ ლოდინს.  
ო, არსად არის თვალი ცისფერი —  
არავინ მოდის, არავინ მოდის!..

დავტოვებ წიგნებს! დავტოვებ ოთახს!..  
ტიტველ ფეხებით ვეხები მწვანეს,  
(გარეთ ბალახებს წვეთები მორთავს)  
ფოთლებმა დარდი გადამაცალეს.

ნიავე არხევს ბუჩქებში იებს,  
ხელს ვერ შემახებს ვერვინ ამ ქვეყნათ.  
მთვარე იფარებს ვერცხლის არშიებს,  
სიკვდილის ჩონჩხზე უნდა დავემყნა.

მზეს დავაწყვეტავ სამეფო ქამრებს,  
არ მეშინიან ქარის და შფოთის.  
მხოლოდ ღიმილი ატმების ამრევს,  
არავინ მოდის! არავინ მოდის!..

1922.

## სურვილი შემოკლებით

მწუხარე ხელების მძიმე აბრეშუმი,  
ფერმკრთალ ნარცისების თვალთა სიღარიბე.  
არის შეყვარება მარტო შენს გარშემო,  
ფიქრები დავაწყე, როგორც სიგარები.

ყურძენს ჩამოვკრეფავ მკერდებ დასიცხული,  
ველი საოცრებას, როგორც ბედუინი,  
უცბად გადაირბენს მარდი ასი ცხენი  
და თმებს დამიკოცნის ნდომა გაბედული.

ვნებით შემოკლდება გზები გულისაკენ,  
როგორ მიხარიან შენთან უმეტესათ!  
მინდა აელვარდეს ოქროს კულისებით  
მზე და სიხარული, როგორც პოეტესა.

1924.

## წერილი უკანასკნელ

როგორც ჰაერი და სიზმარი მუდამ ხარ ჩემი,  
გრძელ წამწამებით სიყვარული იფარავს ვუალს,  
შენი ალერსი დაქანცული არის ფარჩული,  
ღია თვალებით დავაბარებ ყველასთან უარს.

ჩვენ ძლივს ვიპოვეთ ერთმანეთი, არვინ იცოდა,  
წამი ძვირფასი გავაფრინეთ მთვარესთან მძევლათ,  
დღეს შენც მიხვდები მოგონებამ არ დამიცადა  
და შრიალებენ პასუხები, რომ იყო ძველათ.

ჰო, ჩემს ცელქობას შენ უწოდებ მგონია ღალატს,  
თეთრი იები გაიშალა მწუხარე აზრთა.  
ვფიცავ, შენს გარდა სხვა ჩემს ფიქრებს ვერ შემორკალავს,  
ჩვენ სურვილებში დავამწყვდიეთ დღე ახალგაზრდა.

მზე. აბრეშუმის ქსოვილები. ცივი აღმასი.  
შენ ყოველ ღამე ესიზმრები ჩემს ცეცხლის ხელებს,  
მაგრამ სასტიკი სიჩუმე ხარ, როგორც არმაზი  
და თიმბგაშლილი ვეტოლები ტიტველა ხეებს.

1924.

4.598  
2





## ნიკო ფიროსმანი

მაყვლის ტოტებით ორლობე გრძელი.  
მზით დაფარული პატარა სახლი.  
ჯანსაღ ვენახში მწიფე ყურძენი.  
ურმის ქალებზე მოქნილი სახრე.

ზმორებით მიდის ხარი ყირმიზა.  
ელტვიან ქვეები სიცოცხლის მადანს.  
მიწას ამძიმებს რქები ირმისა.  
ლელვის ფოთლები ვნებიან ადამს.

აღიმებს მკერდებს ცა უნაზესი:  
ნიკო ფიროსმან და მირზაანი.  
თვალეები ბრწყინავს, ვით ოაზისი.  
რონინობს სიტყვა, როგორც მიზანი.

საყდარი თეთრი. ქორწილი ღვინით.  
მიმინო ცაში. ლეკური ჩქარი.  
ხელადა სველი. ცხენი ჭიხვინით.  
ამაყი ნება. ამაყი ქალი.

1923.



# ტრაური ცისფერ თვალზე .

თეატრი. სცენა. ელექტრონის სინათლე მკრთალი.  
 უცხო ზმანება აელვარებს გაყინულ სვეტებს.  
 ლოყის სიღრმეში უდარდელი ცისფერი თვალი  
 ღიმილით ჰფანტავს მწუხარების თეთრ სილუეტებს.  
 იყო სალამო— სიხარულის მუნჯი ექსტაზი.  
 მე რა ვიცოდი, რომ თვალთაგან ცრემლს დავიდენდი,  
 სონეტის მსგავსად იცვლებოდი ჩუმი და ნაზი,  
 ხან დარბაისელს მაგონებდი, ხან იყავ დენდი.  
 მაგრამ დღეს გულში ასვენია ტრაური ცივი,  
 ფიქრი გაურბის მოგონების ხაზგასმულ ფურცლებს,  
დაიმტვრა ცრემლად სიყვარულის ცისფერი მძივი  
და ჩემს მომავალს ნოემბერიც ვეღარ გაუძლებს.  
 გრძნობას ველოდი, მაგრამ ზიზღიც კი არ მეღირსა,  
 უხმოდ დავშორდით ჩვენ ერთმანეთს, არვიცი რაზე,  
 ალბად, სიტყვები ვერ მოვნახეთ შესაფერისათ,  
 ეს იყო თეთრი მოჩვენება ყოფნის ეკრანზე.  
 ღიმილი ტუჩზე დამეკეცა, ვით გლოვის ნარძა  
 და ეხლა მინდა ქანდაკებათ მხოლოდ გადვიქცე,  
 სფინქსის თვლებში ჩამასვენოს უვნებო ქარმა,  
რომ ჩემს გარშემო აღარ იყოს არც დრო, არც სივრცე.

1922.

## გონდოლები ცაში •

მარგარიტა ბარნაველს

ხრიზანტემები ავსებენ ლანგრებს  
და გონდოლები დადიან ცაში.  
მთვარე მოვერცხლილ კიბეებს ანგრევს,  
ფიქრი ღრმავდება ფერების ცვლაში.

ცის დასავალი. უსაზღვრო სივრცე,  
და მე, შორეულ აზრების ღმერთმა  
გულში წამების გოლგოთა ვიგრძენ,  
და სიხარული კვლავ ჩამომერთვა.

ო, მინდა ისე დაბნელდეს ირგვლივ,  
რომ იფარებდეთ თვალებზე მერდინს,  
მაშინ ამ ქვეყნად მხოლოდ მე ვივლი,  
არ შეიხსნება ღინკილო მკერდის.

ღრო დაიმონებს მზეს, მთვარეს, სივრცეს,  
საკუთარ ღერბით გადიფრენს აზრი  
და რომ განცდები ჯოჯოხეთს მივცე,  
არ დამჭირდება მახვილი ბასრი.

შაგრამ სიცოცხლე არაფერს ამბობს,  
არ მინდა დაფნა, არ მინდა ტაში.  
ხრიზანტემები ავსებენ ალბომს  
და გონდოლები დადიან ცაში.

1923

## პორტრეტები .

კრძალვით ვაკოცებ პოეზიის განიერ თვალებს,  
 ჩემს ველურ განცდებს სიხარული შემოველება,  
 ვისწორებ, როგორც ოდალისკა ფერმკრთალ ტულეტს  
 და სურვილები ენთებიან ცეცხლის ტევრებათ.  
 უცნაურ ფერის მწუხარება ქალწულურ შიშით,  
 სიჩუმის თეთრი კავალერი, სახე-წმინდანი,  
 უგზო თვალები დაფარული ყავისფერ ქვიშით,  
 ოქროს ჯვარიდან იყურება, ვით წინანდალი.  
 მოდის დაღლილი ქალდეადან წყვილი ცისფერი —  
 გრძელი თითები ანთებული პაპიროსებათ,  
 დამთვრალ შუადღის სომნამბული და წესიერი,  
 მტვრიან ქუჩების აშლილობით არ იმოსება.  
იღვრება ლექსი ქვევრებიდან, როგორც კახური,  
ჯიშინ ფიქრებს ააფეთქებს მდულარე სისხლი.  
 მოდის ყამირის ჯანსაღობა ჯერ არ ნახული  
 და ანტონივით ძველი გვარის სიდარბაისლით.  
 ამაყი შუბლით გამოჩნდება პოეტი ცხელი,  
 დაქრილ ქორივით აიფარებს სისხლიან ნარმას,  
 გამარჯვებული გაფრინდება შლეგიან ცხენით  
 და ჩამოანგრევს უნაზესი სიტყვების არმაზს.  
 ქალაქის იქით... ღამე... მტკვარი, პატარა ხიდი...  
 ცისფერ მკლავებზე პოეტების ფიქრი ავისხი.  
 ქალურ ლოდინში გაიშალა მზე ორხიდეა  
 და, მე ვიზრდები მოგონებით, როგორც ალვისხე.

## ექსცენზიკა

ჩემს თეთრ გრიმასებს ჰფარავს ვუალი,  
ცხელი მზე მინდა მეჭიროს ხელში.  
თვალეებში დადის სხვა სიმზურვალე,  
სიხარულს ველი სიმწუხარეში.

დაგროვილ ცეცხლით გავუძლებ მყინვარს,  
დავამტვრევ მწიფე ალუბლის ტოტებს,  
ნაწვალეებ ფიჭრის სიგიჟე მიყვარს,  
სალამოს დარდი ვერ ამაშფოთებს.

მე ვიცი მოვა ალერსის წვიმა,  
მზისფერი ვაჟი, პორტუგალელი,  
ოქროს ბეჭდები ძირს ჩამოცვივა  
და შეშინდება ვინმე გამვლელი.

დავუნთე ალი ტუჩების ნაპრალს,  
მძიმდება ყოფნა, ვით დეკამერონ.  
მსურს ვუთხრა ყველას, მტევნებით დამთვრალს,  
რომ ვნება წელზე შემოიკერონ.

1923.

ყოველთვის ვკოცნი შენს ქართულ სახელს,  
უდარდელ ხელებს ვშინჯავ ლორნეტით.  
დღეს სულ სხვა ხმებმა დამატუსაღეს  
და აღარ მახსოვს რიცხვი თორმეტი.

ბევრი მიიღებს შავგვრემან სალამს,  
ჩემს მუქ შეხედვას ბევრს დაუზოგავ,  
უცნაურება სახეს დამალავს,  
სისხლის ზოლები გაჩნდება ზოგან.

მოედო თითებს ვნებების ცეცხლი,  
ცხელ მკლავებს უნდა მიწას გაეკრას,  
მე არ მეყოფა ერთი სიცოცხლე  
და არც გავყვები უმზეო ეკრანს.

მთვარის პროფილით მოკვდა ნარრაბო  
ვერ შეაშინა სალომე ელდამ,  
და მეც არ მინდა თვალი დანაბო,  
რომ სინამდვილე გვიცდიდეს ყველგან.

ჩვენ სიმწუხარე თავიდან აგვცდა,  
მოგველოდება ღმერთი ეროსი,  
ტანზედ მეხვევა მდიდარი განცდა  
და სურნელება საქართველოსი.

1923.

## წერილის მავიჰრად

სიზმარი ძველი დავტოვე განზე.  
მახარებს პირი პატარა კახის;  
შევცვალე ფიქრი მე Lorigan-ზე  
და სიხარული ფერმკრთალი სახის.

მზე მომეკიდა ხელებზე ძლიერ,  
დამძიმდა თეთრი აკიდოები,  
მე შენ სიჩუმეს დავენაძლიე,  
ვით ალექსანდრე მაკედონელი.

ვაზის სურნელით სავსეა ზვარი,  
შენ არ მოდიხარ გიაცინტებით.  
მინდა უჩუმრად დავრეკო ზარი,  
ლოდინი რჩება, მაინც ვინთები.

შენ დაჰკოცნიდი მხოლოდ ნესტოებს,  
არ დაიჯერებ, როგორ მოგელი  
და ვემზავსები ისევ ჩემს ტოლებს,  
დავწვეები მზეზე, მეხვევა გველი.

მე ისე მინდა დამლალოს ვნებამ,  
შეხვედრის სიციხე კვლავ განმეორდეს,  
სიბრაზე სხეულს შემოევლება  
და არ ვიწამებ ქალწულთა ორდენს.

1923.



## სილუეტები

სიყვარული აღარ განმეორდება,  
გულს გიშრები შემოერთყა მარაოთ,  
შუა-ლამის მგლოვიარე რიდება.  
მარმარილოს გაყინული თვალები  
მზიურ ელვათ ველარ მოშრიგდება.  
მარმარილოს გაყინული თვალები...

ქარს გაჰყვება გაზაფხულის ხუმრობა,  
დასჭენებიან ტუჩზე ყარამფილები,  
მზე მოკვდება, გული დაიხურება.  
ფიქრი მტევნათ ჩამოწყდება სიტყვებში,  
კას მიწისკენ მოსწყინდება ყურება,  
მზე მოკვდება, გული დაიხურება.

სივრცეს სიბრძნე მოეხვევა ქირმანათ,  
კვლავ ოცნება ქალის სევდას დაფარავს,  
და ვნებების ღვინისფერი ნირვანა  
ხრიზანტემათ გაიშლება სარკეში.  
კვლავ ოცნება ქალის სევდას დაფარავს  
და სიცოცხლეს მწუხარება დაფერავს.

1922.

## ქამელეონი

ლურჯი ზოლები თვალებს გარშემო,  
პაპიროსები და მენუეტი.

მიყვარს ქუთუთოს ვიწრო არშია  
ფერმკრთალ ატმების ალერსი მეტი.

გახსნიან მალე ვერცხლისფერ ყუთებს  
და სარკეები მშინჯავენ კიდევ,  
ის მალალ კედელს თავს მიაყუდებს,  
მე გულზე ჯვარი ჩამოვიკიდე.

არ ვიცი, მგონი ეს იყო მაშინ  
იასამნები ჰკოცნიდნენ ლარნაკს,  
მაგრამ დავხურე ქოლგა წვიმაში  
და სახელები არც ერთი არ მაქვს.

არ ვიცი ეხლა გძულვარ, თუ მიცდი  
თუ ჩემზე აზრი გამოიცვალე,  
აკრძალულ სურვილს ბევრჯერ დავიწვდი  
და გახარება იქნება მწვანე.

მე გულს უვადოთ ვერავის მივცემ,  
აქ ყველაფერი იცვლება ხშირათ,  
და სიტყვებშიაც არ არის სივრცე,  
ყველა სიცხადე შენს ოთახშია.

1924.

## უსათაურო .

ჩემში მოვარდა მზის ნიაღვარი,  
კახეთის ვნება, ვაზის ამბოხი,  
მაგრამ გულში მაქვს მძიმე ნალველი  
და ვილუნები, როგორც ზამბახი.

ხელებს სიჩუმე შეეხო მკაცრი,  
ვით ირმის ნუკრი ტოტს გამოშვერილს,  
დამდეგს სიზმარი შემოსატაძრი  
და სიკვდილიც კი ველარ მიშველის.

გაიშლის აზრი ცისფერ ნაწნავებს,  
ამიყვანს დარდი მალალ ციხეზე,  
უშენო ყოფნა ისევ მაწვალებს  
და მახსოვს როგორ მაკოცე ხელზე.

შუადღის მზეზე ვლოცულობ შენთვის,  
ლიმილს გინახავ მე კარბუნკულით,  
მწვავს სიმხურვალე ცეცხლიან შანთის  
წერილს გიგზაენი სასტიკი გულით.

მე ვარ ყამირი გაუტეხავი  
და მიწას სიცხე არ მოაკლდება,  
რადგან შეხვედრის სიტყვათა ხევი  
ჩემი კოცნისგან მოვარაყდება.

1926.

## როდემდის

თითები დაჩხვლიტეს  
მაყელის კუნწულეებმა,  
ფერმკრთალი ატმები ჩაეიწყე უბეში,  
ჩიტები უვლიან

• ჩვენს ვიწრო მოედანს,

მზე დამალულია

ყველაფერს მოიტანს.

არვიცი როდემდის,

როდემდის გიცადო,

აივსო ვნებებით მკერდების ხეობა,

სურვილთა ციცაბო

ალერსის ბურანში,

შენ რომ მოსულიყავ

არ დაირხეოდა.

არ მინდა აზარფეშდაცლილი

შეხვედრა კოცნის ბელგათ,

მე უნდა მომედოს ტანზე

სულ სხვა სიყვარულის ელდა.

სურვილთა ციცაბო

ალერსის ბურანში,

შენ რომ მოსულიყავ

არ დაირხეოდა,

არვიცი როდემდის,

როდემდის გიცადო,

აივსო ვნებებით მკერდების ხეობა.

1925.

შევალ ვენახში, დავირბენ ვახებს,  
შენი წერილი მინდა აქ იდოს,  
სიტყვა მიასწრებს ფიქრს დარბევაზე  
და რქაწითლისას ავჭრი აკიდოს.

და ვცდილობ ღამე დროს გამოვაკლო,  
დავდივარ, მინდა აღერსი ძალზე;  
ცხელ სურვილს დაჰყავს მზე იკლი-ბაკლოთ,  
ქრელ გველის ქერქსა ვპოულობ გზაზე.

დაიდგამს ლექსი ფიქრთა უნაგირს,  
იმედი გარბის, ვით სირაქლემა.  
მაშინებს სევდა დათვის ბუნაგის  
და მომავალზე ხელის აქნევა.

მზე სუსხავს აღვის ტიტველ კენწეროს,  
ჯვარს იწერს ჩემზე შუადლის ბური  
და ალბათ სადმე უნდა ეწეროს,  
რომ ყველას მოსწონს თავისებური.

ვენახის თავში ჰკაფავენ კვინელს,  
მე მზესუმზირას ვარჩევ მარაოთ  
და საათებმაც დაიგვიანეს  
თითქოს მტევნებში ჩაიმალო.

დავკრეფავ ლოდინს, ვით ქამასოკოს,  
ამედევენება ელამი გრილო,  
სიბნელემ ცრემლი გამოიზოგოს,  
დღეს უნდა ღამე ჩამოვანჯრიო.

მზეს ნატრულობენ გიაცინტები  
და ჩემი სუნთქვა უეცარ მოსვლას,  
მე სიყვარულით ვერ დაგცილდები  
და ფიქრი სხეულს გადაიმოსავს.

წელღია მთვარე—ღამის ნოქარი,  
სიზმარს დაეცა ნაზი გვირილა,  
ცამ ყვითელ თაგვებს გაულო კარი,  
სურვილმა ყოფნა გადაგვირია.

ჩამოქცნა დარდი, როგორც ზაფრანა,  
დანგრეულ ღიმილს შეჰყურებს სარკე,  
ოცნება კლდეზე გადასაფრენი  
ჩემს გულში დარჩა მზესავით ცალკე.

გზა სიმწუხარით არის მორთული,  
სიცოცხლეს ვუცდი დიდხანია,  
როგორც პატარა სპილოს ხორთუმი  
მე მზის ამოსვლაც არ მიხარიან.

ლოდინი ფიქრით ვერ დაიშრიტა,  
ისევ მარტო ვარ, როგორც კუნძული,  
მაქვს თეთრი დარდი ცისფერ გიშრიდან  
მკერდზე მტევნები გადაკინძული.

დრო გატიტვლდება ცრემლთა მოდენით  
თვალებს ანთებს ალერსის მხევა,<sup>1</sup>  
და თითებს დალლილს ამდენ ლოდინით  
აღბათ, სიკვდილი გადაესევა.

1925

## პირბადით

ატარებ მუდამ ყავის ტანსაცმელს,  
სიჩუმე გშვენის, ვით მატიანე.  
მოველი შენგან სასტიკ განსაცდელს,  
მაშინებს ყოფნა ფიქრმეტიანი.

ხშირად დარდებიც არის ხანგრძლივით,  
თვალთ დაცილება, მოკლე ბოდიში.  
მაგრამ სურვილმა კიდევ დამძლია  
მე, ცისფერების თეთრ მოლოდინში.

დღე შეიმოსა ნაქვრივალ ფერით,  
სიტყვა გაეჭვა ღიმილის შოლტებს,  
სახე პირბადით, როგორც ვამპირი,  
უეცრად მინდა სიზმარს დაშორდეს.

ფიქრმა დამღალა უბოროტესმა,  
აღერსით მოვალ ნაგულისხმევი,  
და ცხელი სუნთქვით ვიცი როდისმე  
მკაცრ სიყვარულში მე გავისხლები.

ყარამფილები დაჰფარავს სხეულს,  
ბედნიერ კოცნას გავატანთ მზითევს,  
შენ ჩამოიცილი ხსოვნას სხვისეულს  
და სიხარული ჩვენ აგვაზვირთებს.

1923.



## თეთრი მძივები •

ვერ გაექცევა დღე ბინდის სირცხვილს,  
ცა გაიხსნება, ვით სახარება,  
ვიცი შეტყობა ბედნიერ რიცხვის,  
გულში ნაფიქრის დასახელება.

ვირთვები ზოგჯერ ლალით და მარჯნით,  
ჩემს სურვილს, ნეტავ, ვინ დაიმონებს?..  
მთვარე ამოვა ცისფერ ყავარჯნით,  
დაისხამს ღამე ფერმკრთალ ლიმონებს.

და ძილი იტყვის მძიმე სამძიმარს,  
ვით წამწამებზე დამდნარი თოვლი  
და მე კი ერთი დარდი ჩამძირავს,  
როგორც ქვის სარკე ზღვაზე ნაპოვნი.

მითხარ, თუ ჩემთან შეხვედრა ვნებავს  
სხვის მონაცემი არ მინდა გული,  
ცხელ უდაბნოში გავყვები ვნებას  
შენი ფიქრისგან აღმოდებული.

1925

## ჩემს ბოლებს

ვიცი რომ მზითვად  
 არ მომცემენ ვეფხვისტყაოსანს,  
 არც წასაღებათ  
 დაჰკეცავენ ქირმანის შალებს,  
 არც ქართულ კაბას  
 ჩამაცმევენ ჯვარის საწერათ,  
 არც ვერცხლის ქამარს  
 მომავლებენ დარდიან წელზე.  
 ცაში ოთახი განათდება იბპონურათ,  
 ბედნიერებას მომილოცავთ უცხო კილოზე,  
 მრავალ წერილებს გამაყოლებთ გზის საპოვნელათ,  
 მრავალ მოკითხვას დაუხვდები, ვით მკვლარ მიმოხვებს.  
 დავიმალები  
 სიყვარულის ცისფერ სუნთქვაში  
 დიდი იქნება ალტაცება მზეგამართული,  
 უხვი კოცნები, ვით კახეთში ღვინის მარნები  
 და სადღეგრძელოს მოიტაცებს  
 სიტყვა ქართული.  
 ნამჯისფერ ფრჩხილებს დაამძიმებს მთვრალი ჰაერი,  
 გულის პასუხი ყარამფილებს ველარ დაყნოსავს  
 და მე ვიქნები სიკვდილივით გაუხარელი,  
 რადგან მზითევში არ მომცემენ ვეფხვისტყაოსანს.

1926.

## ქუჯი

შევხვდით ერთმანეთს, როგორც ქარაგმა  
სიონის ზარის ჩამონარეკზე,  
გზა აგვირია უცხო ალაგმა,  
გავყეთ გულიდან გაქცეულ ლექსებს.

მომქონდა შენტვის ყაყაჩო კალთით,  
უბით სურვილი უპირატესი.  
მთა იდგა ცაზე, როგორც იყალთო,  
ხმა მალეღვებდა ფერდანათესი

იყო დამწვარი მზისგან აყალო,  
შენ სიცხადეში არავის გვანდი,  
იყო გაშლილი კოცნათა კალო,  
ვით კაბის ქობა შემოსაბლანდი.

ათრობდა ხსოვნას სახელი ქუჯი.  
(ეს მოგონება ხშირად დამზვერავს)  
ვიყავ მოლუნულ ხესავით მუნჯი,  
ვერ გავუძელით გულთა ნამზერალს.

დამაქვს დარდები მთების ოდენა  
(შენი სიჩუმე მიყვარს ძალიან),  
დაუკოცნავი მოკვდა ლოდინი,  
და სხვა ფიქრისთვის არა მცალიან.

1926

ს ა რ ჩ ე ვ ი :

	83-
სიხარული . . . . .	5
ცისფერი თვალი . . . . .	6
მზეში . . . . .	7
იმის ხელებს . . . . .	8
ლექსის ფალავანი . . . . .	9
მიმოზა სახრჩობელით . . . . .	10
შენს მდიდარ ღიმილს . . . . .	11
გრიშაშვილს . . . . .	12
შენი წიგნი ✓ . . . . .	13
ფერმკრთალი სახე . . . . .	14
არავინ მოდის . . . . .	15
სურვილი შემოკლებით . . . . .	16
წერილი უპასუხო . . . . .	17
ნიკო ფიროსმანი . . . . .	18
ტრაური ცისფერ თვალზე ✓ . . . . .	19
გონდოლები ცაში . . . . .	20
პორტრეტები . . . . .	21
ექსცენტრიკა . . . . .	22
ლორნეტით . . . . .	23
წერილის მაგივრად . . . . .	24

სილუეტები. . . . .	25
ქამელეონი . . . . .	26
უსათაურო . . . . .	28
როდემდის . . . . .	28
უზურში . . . . .	29
სიკვდილი ლოდინით . . . . .	30
პირბადით. . . . .	31
თეთრი მძივები . . . . .	32
ჩემს ტოლებს . . . . .	33
ქუჯი . . . . .	34



ფასი ორი აბაზი.



საქართველოს  
ხალხთა ბიბლიოთეკა





ქართული  
ენების  
სამეცნიერო  
ცენტრი